

PM-Address

प्रधानमंत्री नरेन्द्र मोदी होरें आखेआ ऐ जे आपरेशन सिंदूर भारतीय सशस्त्र बल आस्सेआ चलाया गेआ अभियान छड़ा इक नां गै नेई ऐ सगुआं एह मुख्य दे लोकें दिऐं भावनाएं दा प्रतिबिंब ऐ। प्रधानमंत्री होरें आखेआ ऐ जे आपरेशन सिंदूर नै आतंकवाद खलाफ लड़ाई गी परतियै परिभाषत कीता ऐ ते नमां पैमाना तैह कीता ऐ। प्रधानमंत्री होरें आखेआ ऐ जे परमाणु ताकत गी लेइयै असें गी कोई डराई धमकाई नेई सकदा ते नां गै अस इसी बर्दाश्त करगे। उन्हें आखेआ जे भारत पर जेकर आतंकवाद हमला होग तां फही ओहदा मुंह तोड़ ते बनकदा परता दित्ता जाग। एनें आखेआ जे आतंकवाद ते आतंकवादिऐं गी पनाह देने आले ते आतंकवाद गी प्रायोजित करने आले बश्कार कोई फर्क नेई कीता जाग।

<><><><><><> श

Drones Samba

जम्मू दे सांबा जिले दे कन्नै कन्नै गोआंढी राज्य पंजाब दे जलंधर जिले दे बी अंतर्राष्ट्रीय बन्ने उप्पर सोमवार चिरे किश घैंटे तगर ड्रोन गतिविधियां दिक्खी गेइयां। हालांके सेना नै आखेआ ऐ जे हालात सामान्य ते नियंत्रण च न ते इस लेई घबराने दी कोई लोड़ नेई ऐ। एहदे थमां पैहले सेना ने आखेआ हा जे ओ सांबा जिले च संदिग्ध ड्रों कन्नै टकराप करा'दी ऐ। बन्ने पारा ड्रोन गतिविधियां प्रधानमंत्री नरेन्द्र मोदी हुंदे आपरेशन सिंदूर दे राष्ट्र गी पैहले संबोधन दे मगरा ते भारत ते पाकिस्तान दी डीजीएमओ दी बैठक दे किश घैंटे बाद होई ऐ।

<><><><><><>

Jammu Airport

कल रातीं सांबा जिले ते होरने इलाकें च संदिग्ध ड्रोन दिक्खे जाने मगरा कल संजा'लै जम्मूब्हाई अड्डे थमां डोआरिएं गी इक बारी फही रोक़ी दित्ता गेआ। आकाशवाणी जम्मू ऐ संवाददाता दी रिपोर्ट मूजब 32 ब्हाई अड्डें लेई NOTAM वापस लैने मगरा श्रीनगर अंतर्राष्ट्रीय ब्हाई अड्डे उप्पर डोआरिएं दा कम्म अज्ज थमां शुरू होई जाग। जम्मू ब्हाई क्षेत्र इक बारी फही अगले निर्देश मिलने तगर बंद रौहग। यात्रिएं दी सुरक्षा गी दिखदे होई इंडीगो नै चिरे रातीं इक ट्रैवल एडवाइसरी जारी कीती, जेहदे च जम्मू थमां औने जाने आली डोआरिएं गी अज्जै लेई रद्द करी दित्ता गेआ ऐ। एहदे थमां पैहले 5 दिनें लेई बंद रौहने मगरा कल जम्मू ब्हाई अड्डे थमां डोआरिएं दा कम्म शुरू करी दित्ता गेआ हा ते इंडिगो एयरलाइन थमां डोआरिएं जम्मू ते दिल्ली बश्कार चला'रदियां हियां।

<><><><><><>

DGMO Talks

भारत ते पाकिस्तान बश्कार कल संजा फौज दी कारवाइएं सरबंधी महानिदेशकें डीजीएमओ सतह दी गल्लबात होई। इस बारे जारी इक ब्यानै च भारतीय सेना नै आखेआ जे गल्लबात दरान इस गल्लै पर बी सैहमति बनी जे दौनें धड़ें दा कोई बी ना ते गोली चलोग ते ना गै इक दुए खलाफ कोई दुश्मनी जां हमले आली कारवाई करोग। एहदे इलावा दौनें धड़ें बन्ने पर ते अगेत्रिएं चौकिऐं पर तैनात अपने सैनिकें दी गिनतरी गी घट्ट करने बारे बी योजनाबद्ध तरीके नै बचार करने पर सैहमति जताई। भारतीय फौज नै आखेआ ऐ जे बन्ने पर हालात कुललाई पाइयै सामान्य बने दे न।

<><><><><><>

US-President

भारत नै अमरीका दे राष्ट्रपति डोनाल्ड ट्रंप दे उस दावे गी खारज करी दित्ता ऐ जे उनें दौनें मुखे कनै बड़ा मता कारोबार करने दी गल्ल आखियै भारत ते पाकिस्तान बश्कार मुखे दे तनाजे गी खत्म कीता ऐ। विदेश मंत्रालय दे सूत्रे आखेआ जे 9 मई गी भारत दे प्रधानमंत्री नरेन्द्र मोदी ते अमरीका दे उपराष्ट्रपति जे.डी. वेंस हुंदे बश्कारहोई गल्लबात च कारोबार बारे कोई चर्चा नेई होई। सूत्रे दस्सेआ जे आपरेशन सिंदूर शुय होने मगरा अमरीका दे विदेश मंत्री मार्को रोबियो हों 8 ते 10 मई गी विदेश मंत्री डॉ.एस.जयशंकर ते 10 मई गी गै राष्ट्री सुरक्षा सलाहकार अजीत डोभाल हुंदे कनै गल्लबात कीती ही ते इस गल्लबात च बी कारोबार दा कोई जिक्र नेई कीता हा।

<><><><><><>

Schools Open

जम्मू कश्मीर सरकारै जम्मू ते कश्मीर खित्ते दे उनें जिले दे स्कूलेंगी परतियै खोलने दा फैसला कीता ऐ जेहड़े बन्ने कनै लगदे इलाके थमां दूर न। शिक्षा मंत्री सकीना इत्तू हों सोशल मीडिया पोस्ट एक्स पर एहदी घोषणा कीती। उनें आखेआ ओ जिले जेहड़े बन्ने कनै नेई लगदे, उत्थे सारे स्कूल ते कालेज अज्जै थमां खुल्ली जांगन। एह फैसला हाल च गै बन्ने पारा थमां गोलीबारी दी घटनाएं दे मगरा जमीनी हालात दा व्यापक जायजा लैने मगरा लैता गेआ। एहतियात दे तौर पर बन्ने आले इलाके कनै लगदे शिक्षा इदारे अजे बंद रौंहगन।

<><><><><><>

NIT

अंतर्राष्ट्रीय बन्ने ते कब्जा रेखा कश मजूदा हालात गी दिखदे होई राष्ट्री प्रौद्योगिकी संस्थान श्रीनगर नै घोषणा कीती ऐ जे अंडरग्रेजुएट ते पोस्ट ग्रेजुएट दे विद्यार्थिएं लेई ऑनलाइन क्लासां अज्जै थमां शुरू होई जांगन ते एह क्लासां 6 जून 2025 तगर जारी रौंहगन संसीन दे रजिस्ट्रार हों आखेआ ऐ जे एह फैसला बन्ने पार हफ्ते थमां चला'रदे तनोतनी दे मगरा लैता गेआ ऐ की जे इस तनोतनी कारण मते सारे विद्यार्थी अपने घरे गी परतोई गे न।

<><><><><><>

CS

मुख्य सचिव अटल डुल्लू हों राजौरी च बन्ने पारा थमां होई दी गोलीबारी च जान मुआले आले राजौरी दे एडिशनल डिस्ट्रिक्ट डवैलपमेंट कमीशनर डॉ. राज कुमार थापा हुंदे घर जाइयै उंदे परोआर आले कनै मलाटी कीती। मुख्य सचिव हों उनेंगी प्रशासन आस्सेआ हर संभव मदाद देने दा भरोसा दोआया। उनें आखेआ जे डॉ. थापा हुंदी समाज प्रति सेवा ते जिम्मेदारिएं प्रति उंदी अटूट प्रतिबद्धता गी म्हेशां चेता रखेआ जाग।

<><><><><><>